

## ভজনাদর্শ—গৌড়ে ও বৃন্দাবনে

কেহ কেহ মনে করেন—(ক) শ্রীচৈতন্যচরিতামৃতে গোড়ীয়-বৈষ্ণব-ধর্মের যে রূপটি প্রকটিত হইয়াছে, মুরারিগুপ্ত এবং কবিকর্ণপুরের গ্রন্থে প্রকটিত রূপ হইতে তাহা পৃথক, (খ) মুরারিগুপ্ত এবং কবিকর্ণপুরের ভজনাদর্শও বৃন্দাবনের গোস্বামীদের ভজনাদর্শ হইতে পৃথক এবং (গ) বৃন্দাবনের ভজনাদর্শে শ্রীগৌরাস্বরের ভজন কেবল উপায়মাত্র, উপেয় নহে; কিন্তু নবদ্বীপবাসী আদিম বৈষ্ণবগণের ভজনাদর্শে শ্রীগৌরাস্বরের ভজনই উপেয়।

এই তিনটি বিষয় পৃথকভাবে স্ফর্মণঃ আলোচিত হইতেছে।

( ক )

কোনও ধর্মসম্বন্ধে অনুসন্ধান করিতে হইলে সেই ধর্মের উপাস্তত্ব, উপাসকত্ব—সাধ্য ও সাধনত্ব—প্রধানতঃ এই কয়টি বিষয়েরই অনুসন্ধান করিতে হয়। মুরারিগুপ্তের বা কবিকর্ণপুরের গ্রন্থে কোনও তত্ত্বসম্বন্ধে শৃঙ্খলাবদ্ধ আলোচনা মোটেই নাই; তবে প্রসঙ্গক্রমে তাঁহাদের গ্রন্থে তাঁহারা যে কয়টি সংক্ষিপ্তোক্তি করিয়াছেন, তাহা হইতে এসকল বিষয়ে তাঁহাদের অভিमत জানা যায়। প্রথমে আমরা মুরারিগুপ্তের একমাত্র গ্রন্থ “শ্রীশ্রীকৃষ্ণ-চৈতন্যচরিতামৃতম্ বা মুরারিগুপ্তের কড়চা” সম্বন্ধেই আলোচনা করিব। (এস্থলে আমরা শ্রীযুত মৃণালকান্তি ঘোষ কর্তৃক প্রকাশিত গ্রন্থের তৃতীয়সংস্করণের শ্লোকাদির উল্লেখ করিব।)

এই গ্রন্থের প্রায় সর্বত্রই মহাপ্রভুর উপদেশের মধ্যে শ্রীকৃষ্ণের উপাসনার কথা দৃষ্ট হয়। শ্রীচৈতন্যচরিতামৃতের এবং অত্যান্ত গোস্বামিগ্রন্থের উপদেশও তাহাই।

নানাস্থানে শ্রীমন্নিত্যানন্দের এবং নীলাচলে বৈষ্ণববৃন্দের গৌর-নামগুণ-কীর্তনাদি হইতে গৌরের উপাস্তত্ব-সম্বন্ধেও ইঙ্গিত কড়চায় পাওয়া যায় (১) কবিরাজগোস্বামী শ্রীচৈতন্যচরিতামৃতের বহুস্থলে গৌরের ভজনের কথা বলিয়াছেন এবং আদিলীলার অষ্টমপরিচ্ছেদে তর্কযুক্তিদ্বারাও গৌরের ভজনীয়তা সপ্রমাণ করিয়াছেন। আবার “সদোপাস্ত শ্রীমান্ ধৃতমল্লজকায়ৈঃ প্রণয়িতাং বহুস্তিগীর্বাণৈর্গিরিশপরমেষ্টি-প্রভৃতিভিঃ” ইত্যাদি, এবং “উপাসিতপদাযুজস্বমহুরক্তকাদিভিঃ” ইত্যাদি বাক্যে শ্রীপাদ রূপগোস্বামীও গৌরের উপাস্তত্বের কথা বলিয়াছেন (২)।

অভীষ্ট (বা সাধ্য)-বস্তুর মধ্যে শ্রীবৃন্দাবনমাধুর্যের আবাদন, কৃষ্ণপ্রেমরসানন্দ, শ্রীকৃষ্ণচরণাঙ্গোজমধু (৩) এবং প্রেমভক্তির (৪) উল্লেখ কড়চায় পাওয়া যায়। শ্রীচৈতন্য-পাদাজ্ঞে প্রভুবুদ্ধি এবং শ্রীচৈতন্যদেবের শাস্তীস্মৃতির কথাও দৃষ্ট হয় (৫)।

শ্রীচৈতন্যচরিতামৃতেও মহাপ্রভুর উপদেশের মধ্যে শ্রীকৃষ্ণসেবার কথা পাওয়া যায়। কবিরাজ গোস্বামী শ্রীচৈতন্য-লীলারূপ অক্ষয়-সরোবরে মনোহর চরাইবার কথা (২১২৫১২৩) এবং “চৈতন্যলীলামৃতপূর, কৃষ্ণলীলা-সুকপূর, দৌহে মেলি হয় স্মাদুর্ঘ্য। সাধুগুরুপ্রসাদে, তাহা যেই আশ্বাদে, সেই জানে মাধুর্য্য-প্রাচুর্য্য”—একথাও লিখিয়াছেন (২১২৫১২৯)।

(১) ৪১২১১৪, ২০, ২২, ২৫; ৪১২৩১২, ১৭, ২৩; ৪১২৯১৬—১৯; ৪১২৬১৯, ২৩, ৩১।

(২) শ্রীচৈতন্যষ্টক। শুবমালা।

(৩) ১২১১৩; ২১২৩২; ২১৬৯; ২১০১১৪।

(৪) ২১৩৮; ২১০১০; ৩০; ২১৬১৪; ৪১২৪১২৫, ২৬।

(৫) ২১২৩৬।

সাধনসম্বন্ধে শ্রীহরিনাম-শ্রবণ ( ১৮৮২ ) ও কীর্ত্তন ( ৬ ), গৌর-নামকীর্ত্তন ও গৌরলীলাচিন্তা ( ৭ ), বৈষ্ণবসেবা ( ৪১৮৮২-৫ ), কৃষ্ণসেবা ( ৪২১১২৪-২৫ ), ধ্যান ( ১৮৮২ ), বৃন্দাবনধ্যান ( ৪১৩৬ ), হরিবাসর-পালন ( ২৪১২৬ ), ভক্তির অমূল্য ( ৪১৩১৬ ) ইত্যাদির কথা কড়চার দৃষ্ট হয়।

শ্রীচৈতন্যচরিতামৃতের বহুস্থানেও এসমস্ত সাধনাদেশ উপদেশ আছে। অত্যাগ গোস্থামিগ্রন্থেও তাহাই।

কড়চার মতে ভগবান্ নামস্বরূপ ( ২১৭৮ ) ; শ্রীচৈতন্যচরিতামৃতও বলেন—নাম ও নামীতে ভেদ নাই। কড়চার একাধিকস্থলে ভক্তির মাহাত্ম্য কীর্ত্তিত হইয়াছে ( ২৫১৩০ ; ২৭১২০ ) শ্রীচৈতন্যচরিতামৃতে এবং অত্যাগ গোস্থামিগ্রন্থেও ভক্তির মাহাত্ম্য কীর্ত্তিত হইয়াছে।

জীবের স্বরূপসম্বন্ধে কড়চার প্রত্যক্ষ উক্তি কিছু না থাকিলেও জীবের অভীষ্টসম্বন্ধে এবং অভীষ্টপ্রাপ্তির সাধন সম্বন্ধে যাহা বলা হইয়াছে, তাহা হইতেই বুঝা যায়—জীব স্বরূপতঃ কৃষ্ণদাস—ইহাই কড়চার অভিপ্রায়। শ্রীচৈতন্য-চরিতামৃতও বলেন—কৃষ্ণের নিত্যদাস জীব। অত্যাগ গোস্থামিগ্রন্থেরও এই-ই মত।

কৃষ্ণঃ সর্বেশ্বরেশ্বরঃ ( ৪১৩৩ )—কড়চার এই উক্তি হইতে বুঝা যায়, কড়চার মতে শ্রীকৃষ্ণই পরতত্ত্ব। শ্রীচৈতন্যচরিতামৃত এবং অত্যাগ গোস্থামিগ্রন্থের অভিমতও তাহাই।

বিভিন্ন ভগবৎ-স্বরূপ-সম্বন্ধে কড়চার বলেন—“পরমেশ্বরভেদেন কেবলং দুঃখমেবহি ( ২৪১১৬ )।” শ্রীচৈতন্যচরিতামৃতও বলেন—“ঈশ্বরত্বে ভেদ মানিলে হয় অপরাধ। ২১২৪০।” শ্রীচৈতন্যচরিতামৃত আরও স্পষ্ট করিয়া বলিয়াছেন—“একই ঈশ্বর ভক্তের ধ্যান অনুরূপ। একই বিগ্রহে ধরে নানাকাররূপ। ২১২৪১।” কড়চারেও দেখা যায়, দাক্ষিণাত্যে মহাপ্রভু যে সমস্ত তীর্থক্ষেত্র ( শিবক্ষেত্র, রামক্ষেত্র, ভৈরবীক্ষেত্র ইত্যাদি ) ভ্রমণ করিয়াছেন, সে সমস্তকে তিনি শ্রীজগন্নাথেরই বিভিন্ন ক্ষেত্র বলিয়া বর্ণন করিয়াছেন। “ক্ষেত্রাণ্যাত্মানি গচ্ছামি তব দ্রষ্টুং জ্ঞানদ্বন্দ্ব। ৩১৩১৮।” শ্রীমুরারিগুপ্তের উপাঙ্গ শ্রীরামচন্দ্র। শ্রীরাম হইতে শ্রীগৌরের অভেদবুদ্ধিবশতঃ তিনি শ্রীগৌরান্নকে “শ্রীরামগৌরান্নকঃ” বলিয়াছেন। ৪১২৬১২৬॥

শ্রীগৌরতত্ত্ব-সম্বন্ধে কড়চার অভিমত এইরূপঃ—শ্রীকৃষ্ণই গৌররূপে অবতীর্ণ হইয়াছেন ( ৮ )।

কড়চার কোনও কোনও স্থলে অগ্নি কোনও নামের উল্লেখ না করিয়া শ্রীগৌরান্নকে কেবল কৃষ্ণ ( ১১৪১১ ; ২১১৮ ; ২১১৩০ ; ৪১৩১১ ), হরি ( ২১১১৩ ), কেশব ( ৪২১১৩ ), হৃদীকেশ ( ৪১৩২১ ), সর্বেশ্বর ( ১১৬, ১০ ), বিষ্ণু ( ২১৩৮ ), পরেশ ( ২১১৫ ) বা ভগবান্ ( ২১২১৩ ; ২১৩৭ ) নামেও অভিহিত করা হইয়াছে।

আরও বলা হইয়াছে শ্রীগৌরান্ন গোপীভাবাবিষ্ট কৃষ্ণ ( ৩৩১৭ ; ৪১২৪১৬ ), রাধারসবিলাসী ( ৩৫১১৪ ), রাধিকারসবিনোদী ( ৩১৫১৮ ), রাধারসাবিষ্ট ( ৪৫১১৫ ), রাধাভাবাপন্ন ( ৩১৫১২৩ ), রাধিকাপ্রেমভরাতিমত্ত ( ৪১২০১১৪ ), শ্রীরাধারসমাধুরীধুরি-তত্ত্ব ( ৪১২০১২২ ), শ্রীরাধাভাবমাধুর্যপূর্ণ ( ৪১২৪১১ ) এবং রাধাভাবভাবিতানন্দ ( ৪১২৪১১ )।

তিনি ভক্তরূপ রসিকেন্দ্রমৌলী—বিষয় ও আশ্রয়ের ভাবে আবৃত ( ৪১৭১৫ ), স্বকীয়-মাধুর্য-বিলাস-বৈভব ( ৩১২১১৬ ) এবং ভক্তিরসের আশ্রয়রূপে স্বকীয় অদ্ভুত প্রেম-নাম-মাধুর্য ( ৪১২৬১৮ ) আনন্দন করিতেছেন। শ্রীল অদ্বৈতাচার্যের জগৎই মহাপ্রভু অবতীর্ণ হইয়াছেন বলিয়া কড়চার বলেন ( ২১৬১৭ )।

শ্রীচৈতন্যচরিতামৃতও বলেন, শ্রীমন্মহাপ্রভু রাধাভাবদ্ব্যতি-সুবলিত শ্রীকৃষ্ণ, রসরাজ ( শ্রীকৃষ্ণ ) এবং মহাভাব ( শ্রীরাধা ) এ দুয়ের মিলিত বিগ্রহ ( ২১৮১২৩৩ ) ; রসরাজরূপে তিনি প্রেমের বিষয় এবং মহাভাববতী রূপে আশ্রয়।

( ৬ ) ১২১১২ ; ১৮৮২ ; ২২২২৮ ; ২৩২২ ; ২৩২২৬ ; ২৮১২২ ; ২১৭১৫ ; ২১৭১৯০ ; ২১৭১১১ ; ৩৪১২৬ ; ৩১৪১২৩ ; ৩১৪১২৪ ; ৪১১৩ ; ৪১১৫ ; ৪১২১১ ।

( ৭ ) ৪১২১১৬-২০ ; ৪১২১১৪-১৫ ; ৪১২৩১২ ; ৪১২৩১৫ ; ৪১২৪১৫-১৬ ; ৪১২৬১৭১২২ ।

( ৮ ) ১৭১২৫ ; ১১২১১৮ ; ২১২২৩ ; ২১২২৯ ; ২১৮১১৪ ; ৩১২১২৫ ; ৪১১৮ ; ৪১২১১ ; ৪১৬১১ ; ৪১৮ ; ৪১২১১৭ ৪১৮১১৩ ; ৪১৮১১৬ ।

গৌররূপে তাঁহার অবতীর্ণ হওয়ার তিনটি কারণের মধ্যে একটি হইতেছে স্বমার্ধ্য আশ্বাদন। শ্রীচৈতন্যচরিতামৃত ইহাও বলেন যে, শ্রীঅষ্টৈতের আত্মানেই শ্রীগৌরানন্দ অবতীর্ণ হইয়াছেন।

শ্রীনিত্যানন্দের তত্ত্ব-সম্বন্ধে কড়চা বলেন, ব্রজের বলদেবই শ্রীনিত্যানন্দ (৪।১২।২)। শ্রীচৈতন্যচরিতামৃতের মতও তাহাই।

এইরূপে দেখা গেল, ধর্মসম্বন্ধে যে কয়টি বিষয়ের অনুসন্ধান আবশ্যিক, তাহাদের কোনওটি সম্পর্কেই মুরারিগুপ্তের কড়চার সঙ্গে শ্রীচৈতন্যচরিতামৃতের বিরোধ নাই।

এক্ষণে কবিকর্ণপুরের গ্রন্থসম্বন্ধে বিবেচনা করা যাউক। (সর্বত্রই বহরমপুর-সংস্করণের শ্লোকাদি উল্লিখিত হইবে)।

প্রথমতঃ তাঁহার শ্রীচৈতন্যচরিতামৃত-মহাকাব্যের আলোচনা করা যাউক। কর্ণপুর এই গ্রন্থে প্রধানতঃ মুরারিগুপ্তের কড়চার অনুসরণেই শ্রীমন্ মহাপ্রভুর কতকগুলি লীলা বর্ণন করিয়াছেন। এই গ্রন্থেও মহাপ্রভুর আদর্শে শ্রীকৃষ্ণোপসনাই উপদিষ্ট হইয়াছে (৪।৫২-৬০)।

এই গ্রন্থে বহুস্থলে ভক্তির মাহাত্ম্য কীর্তিত হইয়াছে (১)।

সাধনসম্বন্ধে বহুস্থলে নামকীর্তনের কথা (২), গৌর-কীর্তনের কথা (৩) এবং হরিবাসর-ব্রতের কথাও (২।১১০) দৃষ্ট হয়। শ্রীগৌরানন্দের চরণসেবার কথাও আছে (১।১২)।

নাম যে ভগবৎ-স্বরূপ, তাহা ১।১৩২ শ্লোকে বলা হইয়াছে।

জীবের স্বরূপ যে কৃষ্ণের নিত্যদাস, তাহাও ১।৬।৪ শ্লোক হইতে জানা যায়।

সাধ্য বা অভীষ্ট-বস্তু সম্বন্ধে স্পষ্ট কোনও উল্লেখ পাওয়া না গেলেও মোক্ষের অবাঞ্ছনীয়ত্ব এবং ভগবদর্শনের আনন্দাতিশয়ের উল্লেখ (৭।৩৪-৩৫) হইতে এবং জীবের কৃষ্ণদাসত্ব-স্বরূপের ও ভক্তির মাহাত্ম্যের উল্লেখ হইতে বুঝা যায়, ভগবচ্চরণ-প্রাপ্তিই মহাকাব্যের মতে জীবের চরমতম কাম্যবস্তু।

গৌরতত্ত্ব-সম্বন্ধে স্পষ্ট কোনও উল্লেখ না থাকিলেও মহাপ্রভুর রূপ-গুণ-লীলাদি বর্ণন-প্রসঙ্গে যাহা বলা হইয়াছে, তাহা হইতে বুঝা যায়, মহাকাব্যের মতে শ্রীকৃষ্ণই গৌররূপে অবতীর্ণ হইয়াছেন (৪)।

শ্রীঅষ্টৈতের কারণেই প্রভুর অবতার (৬।৭২)।

মহাপ্রভুর অবতারের হেতুসম্বন্ধে কোনও কথা দৃষ্ট হয় না; তবে বৃন্দাবন-লীলায় তাঁহার অতৃপ্তত্বের কথা (৮।৬১), শ্রীরাধার বেশে আবেশের কথা (১।১২৪) এবং গোপী-ভাবাবেশের কথা (১।১৬১; ১।৫।৫) দৃষ্ট হয়। তাহাতে অনুমিত হয়, মহাকাব্যের মতে বৃন্দাবন-লীলার অতৃপ্তি-নিরসনের জন্তই গোপীভাব গ্রহণ করিয়া শ্রীকৃষ্ণ গৌররূপে অবতীর্ণ হইয়াছেন।

শ্রীগৌরানন্দের বর্ণসম্বন্ধে কবিকর্ণপুর তাঁহার মহাকাব্যে প্রশ্ন করিয়াছেন—শ্রীবৃন্দাবনে গৌরাঙ্গী ব্রজসুন্দরীগণ কর্তৃক নিরন্তর দৃঢ়রূপে আলিঙ্গিত হওয়াতেই কি সচ্চিদানন্দ-সাক্ষ শ্রীমদানন্দ নবদ্বীপে আসিয়া গৌরাঙ্গ হইয়াছেন (১।১) ?

(১) ৬।৫৭-৫৮; ৬।৭০; ৬।৮৪; ৬।১০২; ১।১১১।

(২) ২।৪১; ২।৬২; ৪।৭৬; ৫।১৩; ৬।১৫; ৬।৪২; ৭।৭৫; ১।১১১; ১।১৪-১৮; ১।৩৮-৩৯; ১।৭০; ১২।৬১; ১৩।৩৪; ৫।৫২।

(৩) ১।২২; ১।৭।৫৬।

(৪) ১।১; ১।৮-৯; ১।১৩; ৩।৫; ৭।৬৫; ৭।৮০; ৭।১০২; ৮।২; ৮।২৬; ৮।৩২; ৮।৫৭-৫৮; ৮।৬১-৬২; ৯।১; ৯।১১; ৯।২৩; ৯।১০০; ৯।১১৭; ৯।১২৩; ৯।১৬৬; ৯।২৮; ৯।১৫; ৯।৬১।

মহাকাব্যের মতেও ব্রজের বলদেবই শ্রীমন্নিত্যানন্দ ( ৭১২৪ ) ।

এইরূপে দেখা গেল, ধর্মসম্বন্ধে কবিরাজ-গোস্বামীর শ্রীচৈতন্যচরিতামৃতের উক্তির সঙ্গে কর্ণপুরের মহাকাব্যের কোনও উক্তিরই বিরোধ বা অসঙ্গতি নাই ।

এক্ষণে কবিকর্ণপুরের শ্রীচৈতন্যচন্দ্রোদয়-নাটকের বিষয় বিবেচনা করা যাউক ।

এই গ্রন্থেও শ্রীকৃষ্ণোপসনাকেই একমাত্র পুরুষার্থ বলা হইয়াছে ( ১১২ ) ।

শ্রীমন্ মহাপ্রভুর মুখে বৃন্দাবনলীলারই সাধ্যাথ্য খ্যাপিত হইয়াছে ( ১০৭৪ ) । আবার শ্রীঅষ্টমতের মুখে শ্রীকৃষ্ণলীলার সঙ্গে গৌরলীলা আশ্বাদনের ইঙ্গিতও শুনা যায় ( ১০৭৫ ) । ইহা হইতে ব্রজলীলা ও গৌরলীলা—এই উভয় লীলাই যেন সাধ্যা—এরূপ একটা ইঙ্গিত পাওয়া যায় ।

কবিরাজ-গোস্বামীও শ্রীচৈতন্যচরিতামৃতের ২১২৫২২২ ( পূর্বোক্ত ) ত্রিপদীতে এইরূপ কথাই আরও স্পষ্টরূপে বলিয়াছেন ।

সাধনসম্বন্ধে মহাকাব্যের ছায় নাটকেও ভক্তিব্যোগের ( ১১২ ) এবং নামসঙ্কীর্ণনেরই প্রাধান্য খ্যাপিত হইয়াছে (১) । বৈষ্ণব-দর্শনের মাহাত্ম্যের ( ১১০ ) এবং বৈষ্ণবের কৃপার অপরিহার্যতার ( ২১৯ ) কথাও দৃষ্ট হয় । বহুস্থলে ভক্তির মাহাত্ম্য কীর্তিত হইয়াছে-(২) ।

জীবের স্বরূপ-সম্বন্ধে স্পষ্ট কোনও উল্লেখ না থাকিলেও সাধ্য ও সাধনসম্বন্ধে যাহা বলা হইয়াছে, তাহাতে বুঝা যায়, জীব স্বরূপতঃ কৃষ্ণদাস—ইহাই নাটকের অভিমত । সিদ্ধাবস্থায় জীব পার্শ্বদেহে ভগবৎ-সেবা করিবে—এই তত্ত্বের ইঙ্গিতও নাটকে দৃষ্ট হয় ( ১০৭৪ ) । দাস্ত্যতাবের উৎকর্ষখাপনও দৃষ্ট হয় ( ১৭৬ ; ১৮০ ) ।

গৌরতত্ত্ব-সম্বন্ধে নাটকের অভিমত এইরূপ :—লীলাবিনাসী শ্রীশ্রীরাধাকৃষ্ণের মিলিত বিগ্রহই শ্রীগৌরাস্ত ( ১১১ ) ।

শ্রীচৈতন্যই কন্দর্পদর্পহারী হরি ( ১৪২ ), তিনিই শ্রীকৃষ্ণ ( ২১৪ ; ২৫০ ; ২৫২ ; ২৬০ ; ৪৪৯ ) ।

তিনি ভক্তরূপে অবতীর্ণ হইয়াছেন ( ২১৭ ; ৮১০ ; ৯১ ) ।

আনন্দই তাঁহার রূপ ( ২১২৫ ) ; আনন্দস্বরূপ হইয়াও তিনি মূর্ত্ত এবং সর্বব্যাপী হইয়াও পরিচ্ছিন্ন ( ২৪৩ ) । শ্রীগৌরাস্ত অন্তঃকৃষ্ণ ( ৬৪৪ ) ।

শ্রীগৌরাস্ত রাধাভাব-বিভাবিত ( ৩৮ ; ৩৯ ; ১০৭৩ ) ; আদিপুরুষ হইয়াও তিনি নবীনা ব্রজবধুদিগের কৃষ্ণামুরাগ-ব্যাথা অনুভব করিতেছেন ( ১০৪২ ) ॥

নামসঙ্কীর্ণন-প্রধান ভক্তিব্যোগ প্রচারের জন্ত শ্রীকৃষ্ণই শ্রীচৈতন্যরূপে আবির্ভূত হইয়াছেন ( ১১২ ; ১২৮ ; ২১৭ ) ।

আরও জানা যায়, জীবের প্রতি অনুগ্রহপ্রকাশার্থ, ভক্তিব্যোগ প্রচারের উদ্দেশ্যে স্বীয় লীলাবেশে তিনি ভূমণ্ডলে অবতীর্ণ হইয়াছেন ( ১৬৯ ) । স্নানাদিনী-শক্তি-স্বরূপ ব্রজসুন্দরীদিগের প্রেমমাধুর্য্য আশ্বাদনের নিমিত্ত শ্রীকৃষ্ণ গৌররূপে অবতীর্ণ হইয়াছেন ( ১৭০ ) ।

শ্রীঅষ্টমতের প্রেমে বশীভূত হইয়াই তিনি অবতীর্ণ হইয়াছেন ( ১৬৮ ) ।

নাটকের মতে সঙ্কর্ষণই নিত্যানন্দ ; তিনি ব্যাপক ( ২৪৫ ) এবং শয্যা, আসনাদি দশরূপে তিনি ভগবানের সেবা করিয়া থাকেন ( ৩৫২ ) ।

এসমস্ত বিষয়ে নাটকের সহিত কবিরাজ-গোস্বামীর শ্রীচৈতন্যচরিতামৃতের কোনও বিরোধ নাই ।

(১) ১৯২ ; ১৯৬ ; ১৯৭ ; ১৮৯ ; ২৯৩ ; ৪৯২ ।

(২) ১৬৯-৭০ ; ১৮০ ; ২৯৬ ; ২৪৬ ।

শ্রীচৈতন্যচন্দ্রোদয়-নাটকে আরও অনেক তত্ত্বের ও তথ্যের উল্লেখ বা ইঙ্গিত দৃষ্ট হয়; যথা—বিশ্বরূপতত্ত্ব (১৩৮), লক্ষ্মীপ্রিয়াতত্ত্ব (১৩৬), বিষ্ণুপ্রিয়াতত্ত্ব (১৩৭), ঈশ্বর-লক্ষণ (১৩৩-৩৪; ৭১০; ৮১২৪-২৬), নবদ্বীপতত্ত্ব (১৩৭; ১৫১; ১৮৮; ২২১; ৫২০), গোপীতত্ত্ব (১৭০), বৃন্দাবনতত্ত্ব (৩৩১; ৩৩৬), নবদ্বীপতত্ত্ব (২৪৫), চিহ্নজ্ঞির ক্রিয়াবৈচিত্রী (১৮৮; ৩৫০), শ্রীকৃষ্ণই জীবের সমস্ত (৪৬), ভগবদ্বিগ্রহের নিত্যত্ব (২৫), সাংখ্যিক ভাবের বিবরণ (১), প্রভুর উম্মাদের বিশেষত্ব (২৫১; ৫৭৭-৮), ভগবৎ-রূপাই ভগবদুপলক্ষিত হেতু (৪৮), ভজন-প্রভাবে দেহের স্বভাবের পরিবর্তন (১৭৫), আনন্দের রূপ (২২৫), ভগবান্ আনন্দ হইয়াও মূর্ত্ত এবং ব্যাপক হইয়াও পরিচ্ছিন্ন—এই তত্ত্ব (২৪৩), আনন্দময়ের অমৃতত্ব-লক্ষণ (২৫৩; ২৫৫), ধ্যানজনিত ক্ষুণ্ণ ও আবির্ভাবের বিশেষত্ব (২৫৮), ভক্তিরস (৩৬), সাধনভক্তি, ভাবভক্তি ও প্রেমভক্তি (৩৫), বিধি ও রাগ (৩১৮-১৯), লৌকিকী লীলার মাধুরী (৩২১-২৩; ৩৭৭), যিনি কৃষ্ণ নহেন, তিনি কখনও কৃষ্ণ হইতে পারেন না; কিন্তু কৃষ্ণ বিবিধ আকার ধারণ করিতে সমর্থ (৩৩৮), আবেশের স্বরূপ (৪৮), সাক্ষাদর্শন, আবেশ ও আবির্ভাব, এই তিনরূপে ভগবানের জীবের প্রতি রূপাপ্রকাশ (৯৪), ভাগবতের লক্ষণ (৯১২), জীব ও ঈশ্বরের পার্থক্য (৫৪), অলৌকিক বস্তু সর্বাবস্থাতেই আনন্দপ্রদ (৫২৫), ঈশ্বর চিনিবার উপায় (৬৩৮-৪০), মুখ্যাবৃত্তি ও লক্ষণাবৃত্তিতে অর্থের পার্থক্য (৪৪৫; ৪৪৯), মহাপ্রভুতে সন্ন্যাসকৃৎ-শম-শান্ত ইত্যাদি লক্ষণের প্রকাশ (৪৪৫; ৫২৯; ৮২৪), আশ্বাচ্ছ ও আশ্বাদকরূপে ভগবানের অভিব্যক্তি (৬৪৪), মহাপ্রসাদের মর্যাদা (৭২৫) ইত্যাদি। মুরারিগুপ্তের কড়চায় বা কবিকর্ণপুরের মহাকাব্যে এসমস্ত দৃষ্ট হয় না। এসমস্ত বিষয়েও নাটকের সহিত শ্রীচৈতন্যচরিতামৃতের কোনও বিরোধ দৃষ্ট হয় না।

কবিকর্ণপুরের গৌরগণোদেশদীপিকায় সাধ্য-সাধনাদি বিষয়ক কোনও তত্ত্বের কথা নাই। নবদ্বীপ-লীলার পরিকরণে দ্বাপর-লীলাতেও ভগবৎ-পরিকর ছিলেন, নবদ্বীপ-লীলার কোন পরিকর, দ্বাপর-লীলার কোন পরিকর ছিলেন—এসমস্ত তথ্যই এই গ্রন্থে বিবৃত হইয়াছে। এই বিষয়ে কর্ণপুরের সঙ্গে অপরের মতভেদ থাকিলেও এই মতভেদে বিরোধ জন্মিবার আশঙ্কা নাই; যেহেতু, সমস্বয় অসম্ভব নয়। নবদ্বীপ-লীলার এক স্বরূপের মধ্যে দ্বাপর-লীলার একাধিক স্বরূপের এবং নবদ্বীপ-লীলার একাধিক স্বরূপেও দ্বাপর-লীলার একস্বরূপের ভাব বিদ্যমান দেখা যায়; ইহাই সমস্বয়ের ভিত্তি ॥ শ্রীচৈতন্যচরিতামৃতের ২৮২১ এবং ৩৬৮-৯ পয়ারের গৌর-রূপাতরঙ্গিণী টীকায় এসম্বন্ধে একটু বিস্তৃত আলোচনা করা হইয়াছে।

যাহা হউক, শ্রীমন্মহাপ্রভুর ধর্মপ্রচারের জন্ত গৌর-গণোদেশদীপিকার অপরিহার্য প্রয়োজনীয়তা কিছু নাই।

কবিকর্ণপুরের আনন্দবৃন্দাবনচম্পু শ্রীমদভাগবতের দশমস্কন্ধ অবলম্বনে লিখিত শ্রীকৃষ্ণলীলার গ্রন্থ। শ্রীচৈতন্যের ধর্মের স্থাপয়িতা এবং প্রচারক কাহারও সঙ্গেই এই গ্রন্থে বর্ণিত বিষয়ের বিরোধ থাকিতে পারে না।

কবিকর্ণপুরের অলঙ্কার-কৌশল অলঙ্কারশাস্ত্র-সম্বন্ধীয় গ্রন্থও বটে, রসগ্রন্থও বটে; ইহাতে বর্ণিত বিষয়-সম্বন্ধেও কাহারও বিরোধ থাকিতে পারে না।

পূর্বোক্ত আলোচনা হইতে বুঝা গেল—শ্রীশ্রীচৈতন্যচরিতামৃত গ্রন্থে প্রকটিত বৈষ্ণব-ধর্মের রূপ, মুরারিগুপ্ত এবং কবিকর্ণপুর প্রকটিত রূপ হইতে ভিন্ন নহে।

(খ)

বৈষ্ণব-গ্রন্থকারগণ তাঁহাদের গ্রন্থে ধর্মের যে রূপ প্রকটিত করিয়াছেন, তাঁহাদের ভজনেও সেই রূপই প্রতিকলিত হইয়াছে; সুতরাং তাঁহাদের ভজনের বিষয় আলোচনা করিলেও তাঁহাদের প্রকটিত ধর্মের রূপের কিছু পরিচয় পাওয়া যাইতে পারে; এবং তাহা হইতেও জানা যাইবে—ইহাদের ভজনীয় বিষয়েও পার্থক্য বিশেষ কিছু ছিল না।



কবিরাজগোস্বামীর গ্রন্থে বৃন্দাবনের গোস্বামীদের আচারিত এবং প্রচারিত ধর্মের রূপটাই অভিব্যক্ত হইয়াছে। শ্রীনিবাস আচার্য্য এবং নরোত্তমদাস-ঠাকুরও শ্রীজীবাদি গোস্বামীদের রূপায় সেই ধর্মেরই অমুষ্ঠান এবং প্রচার করিয়া গিয়াছেন। নবদ্বীপ-লীলা-প্রবন্ধে দেখা গিয়াছে—বৃন্দাবন-লীলা এবং নবদ্বীপ-লীলা, এই উভয়লীলার ভঙ্গনের আদর্শই তাঁহারা স্থাপন করিয়া গিয়াছেন। মুরারিগুপ্ত এবং কবিকর্ণপুরের উজ্জ্বলদর্শ কি ছিল, তাহারই অমুসন্ধান করা যাউক।

ব্যক্তিগতভাবে মুরারিগুপ্ত ছিলেন শ্রীরামচন্দ্রের উপাসক। তাঁহার কড়চার আলোচনায় ইতঃপূর্বে আমরা দেখিয়াছি, তিনি শ্রীমন্মহাপ্রভুকে শ্রীরামচন্দ্রের সঙ্গে অভিন্ন মনে করিতেন (কড়চা ৪২৬।২৬)।

কবিকর্ণপুর গৌর-ভজন তো করিতেনই, শ্রীকৃষ্ণভজনও করিতেন। তাঁহার আনন্দবৃন্দাবনচম্পূর মঙ্গলাচরণে শ্রীমন্মহাপ্রভুকে তিনি তাঁহার “কুলদৈবত” বলিয়াছেন (১।৩)। তাঁহার অলঙ্কার-কৌস্তভের মঙ্গলাচরণেও তিনি “স্বানন্দরস-সতৃষ্ণ-কৃষ্ণচৈতন্য-বিগ্রহের” জয় গান করিয়াছেন। কিন্তু তিনি যে শ্রীকৃষ্ণভজনও করিতেন, তাহারও প্রমাণ বিদ্যমান। তাঁহার মহাকাব্য গৌরচরিতময় গ্রন্থ; কিন্তু তাহার মধ্যেও সম্পূর্ণ দুইটি অধ্যায়ে তিনি কেবল কৃষ্ণলীলাই বর্ণন করিয়াছেন। পূর্বেই বলা হইয়াছে, তাঁহার মহাকাব্যে এবং নাটকে শ্রীমন্মহাপ্রভুর মুখে তিনি শ্রীকৃষ্ণোপাসনার কথা বহুস্থানে ব্যক্ত করাইয়াছেন। শ্রীমন্মহাপ্রভুর রূপায় সাত বৎসর বয়সের সময় তাঁহার মুখ হইতে ক্ষুরিত সর্বপ্রথম শ্লোকটি—“শ্রবসঃ কুবলয়মঙ্কোরঞ্জন মুরসো মহেন্দ্রমণিদামম্। বৃন্দাবনরমণীনাং মণ্ডনমখিলং হরির্জয়তি ॥”—এই শ্লোকটিও—গোপীজন-বল্লভ শ্রীকৃষ্ণবিষয়কই। তাঁহার আনন্দবৃন্দাবনচম্পূতে কেবল কৃষ্ণলীলাই বর্ণিত হইয়াছে। তাঁহার অলঙ্কার-কৌস্তভের সমস্ত উদাহরণই ব্রজলীলাসম্বন্ধীয়। ব্রজলীলা এবং নবদ্বীপলীলা যে রসিক-শেখরের লীলাপ্রবাহের দুইটি অবিচ্ছিন্ন অংশ, গৌরগণোদ্দেশ-দীপিকা প্রণয়ন করিয়া কর্ণপুর যেন তাহাই সম্রমাণ করিতে চেষ্টা করিয়াছেন। পদ্মাবলীতে তাঁহার যে শ্লোকটি উদ্ধৃত হইয়াছে (শ্রীমোহন্যং দিবসঃ পরোদপটলৈঃ সায়াং তথাপ্যংসুকা পুষ্পার্থং সখি যাসি যমুনাতটং যাহি ব্যথা কা মম। কিস্কন্ধং ধরকণ্টকশতমুরত্বালোক্য সন্তোহুত্থা শঙ্কাং যং কুটিলং করিষ্যতি জনো জাতাস্মি তেনাকুলা ॥ ৩০৬ ॥), তাহাও ব্রজের মধুরভাবছোতক। অলঙ্কার-কৌস্তভের মঙ্গলাচরণে মহাপ্রভুর জয়কীর্তনের পরেই তিনি গোপাঙ্গনাদিগের সাস্বিক-ভাবোদ্দীপনকারী শ্রীকৃষ্ণের মুরলী-ধ্বনির জয় গান করিয়াছেন। আবার আনন্দবৃন্দাবনচম্পূর মঙ্গলাচরণে সর্বপ্রথম দুই শ্লোকে শ্রীরাধিকাদি-গোপাঙ্গনা-বিহারী শ্রীকৃষ্ণের পদারবিন্দের বন্দনা করিয়াছেন। পঞ্চম শ্লোকে তিনি তাঁহার গুরুদেব শ্রী শ্রীনাথদেবের বন্দনা করিয়া বলিয়াছেন—তিনি (শ্রীনাথদেব) মহাপ্রভুর প্রিয়পাত্র ছিলেন এবং তাঁহার শ্রীমুখ-নির্গলিত বৃন্দাবনের রহঃকেলি কথার আশ্বাদন গ্রহণ করিয়া সকলেই বৃন্দাবনধামের প্রতি আসক্ত হইত। গৌরগণোদ্দেশদীপিকার ২১০-১১ শ্লোকেও কর্ণপুর স্বীয় গুরুর বন্দনা করিয়াছেন—তিনি স্ননিপুণ ভাগবত-ব্যাখ্যাতা ছিলেন এবং কুমারহট্টে তাঁহার কীর্তি শ্রীকৃষ্ণবিগ্রহে বিরাজিত। ইহা দ্বারা বুঝা যায় কর্ণপুরের গুরুদেবও শ্রীকৃষ্ণচৈতন্যের এবং রহঃকেলি-পরায়ণ শ্রীকৃষ্ণের উপাসক ছিলেন এবং কর্ণপুরও তাঁহারই রূপায় কৃষ্ণলীলা-কথায় অমুরক্ত হইয়া পড়িয়াছিলেন। নির্ণয়সাগরপ্রণেয় হইতে প্রকাশিত কবিকর্ণপুরের শ্রীচৈতন্যচন্দ্রোদয়-নাটকের ভূমিকা হইতে জানা যায়, গৌররূপা-ক্ষুরিত তাঁহার “শ্রবসোঃ কুবলয়মিত্যাদি”—শ্লোকটি কর্ণপুর প্রণীত “আর্য্যা-শতকমের” প্রথম শ্লোক; ইহাতে অমুমিত হয়, “আর্য্যাশতকম্ণ্ড” গোপীজন-বল্লভেরই স্তবাবলী। এই ভূমিকা হইতে আরও জানা যায়, কৃষ্ণলীলা-গণোদ্দেশ-দীপিকা-নামেও কর্ণপুরের একখানা গ্রন্থ ছিল। ইহা দ্বারাও তাঁহার কৃষ্ণলীলামুরতি জানা যায়।

উল্লিখিত আলোচনা হইতে শ্রীশ্রীগৌরমুন্দরে এবং গোপীজন-বল্লভ শ্রীকৃষ্ণ কর্ণপুরের তুল্য অমুরক্তির কথাই জানা যায়; সুতরাং তিনি যে উভয় স্বরূপেরই উপাসক ছিলেন, তাহাও বুঝা যায়।

এস্থলে প্রসঙ্গক্রমে শ্রীলবৃন্দাবনদাস-ঠাকুরের শ্রীচৈতন্যভাগবতের কথাও বিবেচনা করা যাইতে পারে।

শ্রীচৈতন্যভাগবত হইতে জানা যায়, গয়া হইতে প্রত্যাবর্তনের পরে শ্রীমন্মহাপ্রভু কৃষ্ণকথা, কৃষ্ণকীর্তন এবং কৃষ্ণলীলার আবেশেই দিন কাটাইতেন। তাঁহার প্রভাবে এবং শিক্ষায় নবদ্বীপবাসীরা “হাটে ঘাটে সতে কৃষ্ণ গায় উচ্চস্বরে (মধ্য, তৃতীয়)।” শ্রীমন্নিত্যানন্দকে এবং শ্রীলহরিদাস-ঠাকুরকে প্রভু আদেশ দিলেন—“সর্বত্র আমার আজ্ঞা করহ প্রকাশ; প্রতি ঘরে ঘরে গিয়া কর এই ভিক্ষা। বল কৃষ্ণ ভজ কৃষ্ণ কর কৃষ্ণ শিক্ষা ॥ ইহা বহি আর না বলাবে না বলিবা। দিন অবসানে আসি আমারে বলিবা ॥ (মধ্য ত্রয়োদশ)।” জগাই-মাধাই প্রভুর কৃপা লাভ করিয়া “উষাকালে গঙ্গাস্নান করিয়া নির্জনে। দুই লক্ষ কৃষ্ণনাম লয় প্রতিদিনে ॥ আপনারে ধিকার করয়ে অন্তঃকণ। নিরবধি কৃষ্ণ বলি করয়ে ক্রন্দন ॥ পাইয়া কৃষ্ণের রস পরম উদার। কৃষ্ণের সহিত দেখে সকল সংসার ॥ (মধ্য পঞ্চদশ) ॥” এইরূপে দেখা গেল, মহাপ্রভুর আদেশ এবং উপদেশ ছিল—শ্রীকৃষ্ণভজনের জন্ত। প্রভুর অন্তর্গত কেহ এই আদেশ ও উপদেশ উপেক্ষা করেন নাই।

শ্রীমন্নিত্যানন্দপ্রভুও মহাপ্রভুর আদেশ এবং উপদেশ প্রচার করিতেন। নিজের অমৃতভব অমৃতসারে তিনি নিজস্ব উপদেশও দিতেন। “ভজ গৌরাঙ্গ, কহ গৌরাঙ্গ, লহ গৌরাঙ্গের নাম রে। যে জন গৌরাঙ্গ ভজে সে জন আমার প্রাণ রে ॥” এবং “যে জন চৈতন্য ভজে সে আমার প্রাণ। যুগে যুগে তারে আমি করি পরিত্রাণ ॥ (মধ্য পঞ্চদশ) ॥” শ্রীগৌরাঙ্গ-ভজনের উপদেশ করিয়া তিনি যে শ্রীকৃষ্ণ-ভজন নিষেধ করিলেন বা শ্রীকৃষ্ণভজনের অনাবশ্যকতা প্রচার করিলেন, তাহা নয়। মহাপ্রভুর আদেশে তিনি তো পূর্ব হইতেই কৃষ্ণভজনের উপদেশ প্রচার করিতেছিলেন। নিত্যানন্দ প্রভু তাঁহার শেষ লীলায়ও যেমনি “লওয়ায়েন শ্রীকৃষ্ণচৈতন্যে রতিমতি। (অন্ত্য, যষ্ঠ)।”, তেমনি আবার চোর-ডাকাত-দস্যু-তস্করাদিকেও শ্রীকৃষ্ণভজনের উপদেশ দিতেন, উপদেশ দিয়া তাহাদিগকে স্তম্ভে আনিয়া বলিতেন—“জন্মে জন্মে কৃষ্ণের সেবক তুমি দঢ়। \* \*। ধর্মপথে গিয়া তুমি লও হরিনাম। (অন্ত্য, পঞ্চম)।”; তাঁহারাও—“ধর্মপথে আসি লৈল চৈতন্য শরণ। \* \*। সতেই হইলেন বিষ্ণু-ভক্তিয়োগে দক্ষ ॥ কৃষ্ণপ্রেমে মত্ত, কৃষ্ণগান নিরন্তর। নিত্যানন্দ প্রভু হেন ককণাসাগর ॥ (অন্ত্য, পঞ্চম)।”

এইরূপে শ্রীচৈতন্যভাগবত হইতেও জানা যায়, নবদ্বীপের তৎকালীন বৈষ্ণবগণ শ্রীগৌরাঙ্গ এবং শ্রীকৃষ্ণ উভয়ের ভজনই করিতেন।

(গ)

শ্রীবৃন্দাবনস্থ গোস্বামীদিগের ভজনাদর্শে শ্রীশ্রীগৌরসুন্দর ভজনীয় কিনা, ভজনীয় হইলে—উপায় হিসাবে, না কি উপায় হিসাবে—তাহাই এক্ষণে বিবেচিত হইতেছে। পূর্বেই বলা হইয়াছে, শ্রীশ্রীচৈতন্যচরিতামৃতে এবং শ্রীলনরোত্তমদাস ঠাকুর-মহাশয়ের উক্তি আদিতে গোস্বামীদের ভজনাদর্শই রূপায়িত হইয়াছে।

কবিরাজগোস্বামী শ্রীশ্রীচৈতন্যচরিতামৃতের বহুস্থানে মহাপ্রভুর ভজনের কথা বলিয়াছেন এবং আদিলীলার অষ্টম পরিচ্ছেদে যুক্তি-তর্কদ্বারা তিনি গৌরের ভজনীয়ত্ব বা সাধ্যত্ব প্রতিপন্ন করিয়াছেন। শ্রীল নরোত্তমদাসের প্রার্থনায়—“গোরা পছ না ভজিয়া মৈছ”—ইত্যাদি, “গৌরাঙ্গের দুটি পদ, যার ধনসম্পদ, সে জানে ভকতি-রস-সার”—ইত্যাদি বহু পদে শ্রীগৌরাঙ্গের ভজনের কথা দৃষ্ট হয়।

“কলৌ যং বিদ্বাংসঃ ক্ষুটমভিযজন্তে হ্যতিভরাদকৃষ্ণাঙ্গং কৃষ্ণং মথবিধিভিকৃৎকীর্তনমনৈঃ। উপাস্ত্বাং প্রার্থ্যমখিলচতুর্থাশ্রমজুবাং স দেবশ্চৈতন্যাকৃতি রতিতরাং নঃ কৃপয়তু ॥ স্মিতালোকঃ শোকং হরতি জগতাং যন্ত পরিতো গিরাস্ত প্রারম্ভঃ কুশলপটলীং পল্লবয়তি। পদালম্বঃ কং বা প্রণয়তি ন হি প্রেমনিবহং স দেবশ্চৈতন্যাকৃতিরতিতরাং নঃ কৃপয়তু ॥”—ইত্যাদি শ্রীকৃষ্ণগোস্বামিকৃত বহু স্তবে, এবং “গতিং দৃষ্ট্বা যন্ত প্রেমদ-গজবর্ষোহখিলজনা মুখঞ্চ শ্রীচক্রোপরি দধতি থুংকারনিবহম্। স্বকাস্ত্যা যঃ স্বর্ণাচলমধরয়চ্ছীধু চ বচস্তরঙ্গৈ গোঁরাঙ্গো হৃদয় উদয়মাং মদয়তি ॥”—ইত্যাদি শ্রীরঘুনাথদাস-গোস্বামিকৃত বহু স্তোত্রে শ্রীমন্মহাপ্রভুর উপাস্ত্বত্বের কথা জানা যায়।

শ্রীশ্রীচৈতন্যচরিতামৃত হইতে জানা যায়, শ্রীল রঘুনাথদাসগোস্বামী প্রত্যহ “প্রহরেক মহাপ্রভুর চরিত্র কথন” (১১০১২৮) করিতেন এবং শ্রীকৃষ্ণ-সনাতনাদি গোস্বামিগণও প্রত্যহ “চৈতন্যকথা শুনে, করে চৈতন্য চিন্তন (২১১৯১১৯)।” ভক্তিরত্নাকর বলেন, বৃন্দাবনের গোস্বামিগণ শ্রীমন্ মহাপ্রভুর অষ্টকালীন নিত্যলীলার চিন্তাও করিতেন—“চৈতন্যচন্দ্রের নিত্যলীলা রসায়ন। নিশান্ত নিশা পর্যন্ত চিন্তে বিজ্ঞগণ ॥ (৯৪৬ পৃঃ) ॥” স্বত্বাকারে শ্রীমন্ মহাপ্রভুর অষ্টকালীন লীলাবর্ণনাস্বক পাঁচটি শ্লোকও ভক্তিরত্নাকরে উদ্ধৃত হইয়াছে (৯৪৭ পৃঃ)।

গুণ্ডাভক্তিমার্গের ভজনের একটা বৈশিষ্ট্য এই যে, সাধ্য এবং সাধনে, উপায় এবং উপেয়ে পার্থক্য কেবল পক্ষাপক্কে; শ্রীল নরোত্তমদাস তাই বলিয়াছেন—“সাধনে ভাবিবে যাহা, সিদ্ধদেহে পাবে তাহা।” এবং “এথা গৌরচন্দ্র পাব, সেথা রাধাকৃষ্ণ।” ইহাতেই গৌরলীলার সাধ্যত্ব ও উপেয়ত্ব স্থচিত হইতেছে। (উভয়-লীলার তুল্যভাবে ভজনীয়ত্ব সম্বন্ধে আলোচনা নবদ্বীপ-লীলা-প্রবন্ধে দ্রষ্টব্য)।

ব্রজেন্দ্র-নন্দন শ্রীকৃষ্ণের ভজন এবং ব্রজলীলা আশ্বাদন হইল শ্রীমন্ মহাপ্রভুর প্রত্যক্ষ উপদেশ। কিন্তু গৌরের ভজন এবং গৌরলীলার আশ্বাদন তাঁহার প্রত্যক্ষ উপদেশ নয়; ইহা তাঁহার পরোক্ষ-প্রেরণা। ব্রজের ভাবে আবিষ্ট হইয়া ব্রজলীলা আশ্বাদনের ব্যপদেশে মহাপ্রভু স্বীয় লীলায় যে অপূর্ব মাধুরী অভিব্যক্ত করিয়াছেন, তাহা দর্শন করিয়া এবং তাহার কথা শুনিয়াই গৌরলীলা আশ্বাদনের জন্ম ভক্তবৃন্দের বলবতী লালসা জন্মিয়াছিল। ইহাই গৌর-ভজনের অমূল্য—প্রভুর পরোক্ষ প্রেরণা বা ইঙ্গিত। ইহা ভক্তগণের অমুভব হইতে উদ্ভূত। রায়রামানন্দাদি পরম-ভাগবত ভক্তগণ অমুভব করিয়াছেন—ব্রজলীলার মাধুরী হইতেও গৌরলীলার মাধুরী অধিকতর চমৎকৃতিজনক (শ্রীশ্রীগৌরসুন্দর প্রবন্ধ দ্রষ্টব্য)। শ্রীশ্রীগৌরসুন্দরের ভজন “কৃষ্ণবর্ণং দ্বিষাকৃষ্ণমিত্যাदि” শ্লোকে শ্রীমদ্ভাগবতেরও নির্দেশ।

বৃন্দাবনের গোস্বামিগণ মনে করিতেন—ব্রজলীলা ও নবদ্বীপলীলা, এই উভয়ের মিলিত আশ্বাদনে যে মাধুর্য্য-প্রাচুর্য্যের বিকাশ, তাহার তুলনা নাই। “চৈতন্য-লীলামৃতপূর, কৃষ্ণলীলা স্কপ্পূর, দৌহে মেলি হয় স্নগদমাধুর্য্য। সাধুগুরু-প্রসাদে, তাহা যেই আশ্বাদে, সেই জানে মাধুর্য্য-প্রাচুর্য্য ॥ চৈঃ চঃ ২১২১২২৯ ॥” এই মাধুর্য্য-প্রাচুর্য্যের লোভ কোন্ লীলারস-লোভূপ ভক্ত সম্বরণ করিতে পারেন?

যাহা হউক, এসমস্ত আলোচনা হইতে জানা গেল, বৃন্দাবনের গোস্বামিগণের নিকট গৌরলীলার ভজন উপেয়ই ছিল, কেবল উপায় মাত্র ছিল না।

নবদ্বীপের আদিম ভক্তগণের নিকটে কেবল গৌরের ভজনই যে সাধ্য বা উপেয় ছিল, শ্রীকৃষ্ণের ভজন যে সাধ্য বা উপেয় ছিলনা—তাহা নহে। কবিকর্ণপুর এবং বৃন্দাবনদাসঠাকুরের গ্রন্থালোচনাপূর্ব্বক আমরা পূর্বেই দেখাইয়াছি—ব্রজলীলা এবং নবদ্বীপলীলা, উভয়ই তাঁহাদের নিকটে তুল্যরূপে ভজনীয় ছিল। কর্ণপুরের নাটকে (১০৭৫) বৃন্দাবন-লীলার সঙ্গে গৌরলীলার আশ্বাদনের লালসার কথাও জানা গিয়াছে।

মহাপ্রভুর পার্শ্বদেবের ব্যক্তিগত ভজনের কথা বিবেচনা করিলেও তাহা জানা যায়। শ্রীমদ্বিত্যানন্দ যে শ্রীকৃষ্ণ এবং শ্রীগৌরানন্দ উভয়ের ভজনের উপদেশই দিতেন, তাহা পূর্বেই বলা হইয়াছে। তিনি নিজে শ্রীকৃষ্ণভজনও করিতেন; তাঁহার খড়দহ-শ্রীপাটে এখন পর্যন্ত তাঁহার নিজের সেবিত শ্রীশ্রীশ্যামসুন্দরের বিগ্রহ-সেবা চলিতেছে। শ্রীঅদ্বৈত শ্রীশ্রীমদনগোপালের সেবা করিতেন। শ্রীলগদাধর পুণ্ডরীক-বিজ্ঞানিধির নিকটে শ্রীকৃষ্ণমন্ত্রে দীক্ষিত হইয়াছিলেন এবং নীলাচল-বাসকালেও শ্রীগোপীনাথের সেবা করিতেন; বল্লভ-ভট্টাদিকে তিনি শ্রীকৃষ্ণমন্ত্রে দীক্ষাও দিয়াছেন। শ্রীচৈতন্যভাগবত হইতে জানা যায়, মুকুন্দ-শ্রীবাসাদি পূর্ব্ব হইতেই শ্রীকৃষ্ণভজন করিতেন, প্রভুর আত্মপ্রকাশের পরে তাঁহারা যে শ্রীকৃষ্ণভজন ত্যাগ করিয়াছেন, তাহার কোনও প্রমাণ নাই। বরং প্রভুর আদেশে এবং উপদেশে শ্রীকৃষ্ণভজনে তাঁহাদের উৎসাহ ও উদ্দীপনা আরও বাড়িয়া গিয়াছিল বলিয়াই জানা যায়। পদকর্ত্তা অনন্ত আচার্য্য ছিলেন গদাধর পণ্ডিতগোস্বামীর শিষ্য, তাঁর শিষ্য হরিদাস-পণ্ডিত ছিলেন



শ্রীবৃন্দাবনে গোবিন্দজীউর সেবার অধ্যক্ষ। (চৈঃ চ, ১৮।৫০)। ঠাকুর অভিরাম গোপীনাথের সেবা করিতেন (ভক্তিরসাকর, ১২৮ পৃঃ)। পানিহাটির রাঘব-পণ্ডিতের এবং শ্রীখণ্ডের রঘুনন্দনের শ্রীকৃষ্ণসেবার প্রশংসা প্রভু নিজমুখেই ব্যক্ত করিয়াছেন। কর্ণপুরের পিতা সেন-শিবানন্দ চতুরক্ষর গৌর-গোপালমন্ত্রে দীক্ষিত ছিলেন (চৈ, চ, ৩২।৩০)। ইহা শ্রীকৃষ্ণমন্ত্র।

নিত্যানন্দ-পরিবার, অষ্টমত-পরিবার, গদাধর-পরিবার—ভুক্ত বৈষ্ণবগণ এখন পর্য্যন্ত গুরুপরম্পরা-প্রচলিত রীতি অনুসারে গৌরলীলা এবং ব্রজলীলার ভজন করিয়া থাকেন।

পদকর্তাদের পদসমূহ আলোচনা করিলেও দেখা যাইবে—নরহরিদাস, বংশীবদন, শিবানন্দ, পরমানন্দদাস, বসুরামানন্দ, দ্বিজহরিদাস, বলরামদাস, বৃন্দাবনদাস প্রভৃতি সকলেই গৌরলীলা ও ব্রজলীলা—উভয় লীলার পদই রচনা করিয়াছেন।

বাঙ্গালার পদকর্তা মহাজনদের প্রায় সকলেই ব্রজলীলা-বর্ণনাত্মক পদের সঙ্গে সঙ্গে অল্পরূপ নবদ্বীপ-লীলাত্মক পদও (যাহাকে গৌরচন্দ্র বলে, তাহাও) রচনা করিয়া গিয়াছেন। উভয় লীলাই যে তুল্যভাবে ভজনীয়, তাহাই ইহা দ্বারা তাঁহারা দেখাইয়া গিয়াছেন। গৌরলীলা-রসে ডুব দিয়াই ব্রজলীলারস আশ্বাদন করিতে হয়—ইহাই মহাজনদের “গৌরচন্দ্রের” স্ফোতন।

এসমস্ত আলোচনা হইতে স্পষ্টই বুঝা যায়, বৃন্দাবনবাসী গোস্বামীদের ভজনাদর্শে এবং নবদ্বীপের আদিম ভক্তদিগের ভজনাদর্শে কোনও পার্থক্যই ছিলনা। সর্বত্রই ব্রজলীলা ও নবদ্বীপলীলা তুল্যভাবে উপেয় বলিয়া বিবেচিত হইত।

(ঘ)

শ্রীপাদ প্রবোধানন্দ-সরস্বতীর “শ্রীচৈতন্যচন্দ্রামৃতের” উল্লেখ করিয়া কেহ কেহ বলিতে চাহেন, সরস্বতীপাদ কেবল গৌরভজনের প্রাধিক্যই দিয়াছেন, শ্রীকৃষ্ণভজনের প্রাধিক্য দেন নাই। কিন্তু ইহা যে একটি ভ্রান্ত ধারণা, “শ্রীচৈতন্যচন্দ্রামৃতের” নিম্নোক্ত কয়টি শ্লোক হইতেই জানা যায়।

কদা শৌরে গৌরে বপুষি পরম-প্রেমরসদে  
সদেকপ্রাণে নিষ্কপটকৃততাবোহস্মি ভবিতা।  
কদা বা তন্ত্রালৌকিকসদহুমানেন মম হৃ-  
দকস্মাৎ শ্রীরাধাপদনখমণিজ্যোতিরুদগাং ॥ ৬৮

“হে কৃষ্ণ! প্রেমরসনিষ্ঠ ব্যক্তিদিগের প্রাণস্বরূপ, পরম-প্রেমরসদায়ক তোমার গৌরদেহে কবে আমার অকপট ভাব হইবে এবং কবেই বা তাহার অলৌকিক সদহুমানদ্বারা শ্রীরাধিকার পাদনখমণির জ্যোতি অকস্মাৎ আমার হৃদয়ে উদ্ভিত হইবে।” টীকাকার এই শ্লোকের তাৎপর্য্য যাহা ব্যক্ত করিয়াছেন, তাহার মর্ম্ম এই :—শ্রীগৌরাঙ্গ-বিষয়ক-ভাব যে হৃদয়ে নাই, সেই হৃদয়ে শ্রীরাধিকা-পাদপদ্মে রতিও থাকিতে পারে না।

অরে মুঢ়া গুঢ়াং বিচিন্ত্য হরেভক্তিপদবীং  
দবীরশ্চ দৃষ্ট্যাপ্যপরিচিতপূর্বাং মুনিবরৈঃ।  
ন বিশ্রুন্তশ্চিন্তে যদি যদি চ দৌর্লভ্যমিব তৎ  
পরিভ্যাজ্যশেষং ব্রজত শরণং গৌরচরণম্ ॥ ৮০

“অহে মুঢ়সকল! যাহা গুঢ় এবং দূরপ্রচারিণী দৃষ্টিদ্বারাও মুনিগণ পূর্বে যাহার সহিত পরিচিত হইতে পারেন নাই, সেই ভক্তিমার্গের অনুসন্ধান কর। সেই দুর্লভ-বস্তু কিরূপে লাভ হইবে—তোমাদের চিন্তে যদি এরূপ অবিশ্বাস হইয়া থাকে, তাহা হইলে সর্বস্ব পরিভ্যাগ করিয়া গৌরচরণে শরণ লও।”

যথা যথা গৌরপদারবিন্দে  
বিন্দেত ভক্তিং কৃতপুণ্যরাশিঃ।

তথা তথোৎসর্পতি হৃদয়কস্মাৎ

রাধাপদাশ্চোজসুধাধুরাশিঃ ॥ ৮৮

“বহু-সাধনসম্পন্ন ব্যক্তি শ্রীগৌরান্বয়ের পদারবিন্দে যে পরিমাণ ভক্তিলাভ করিবেন, শ্রীরাধার চরণকমল সম্বন্ধীয় প্রেমসমুদ্রও তাঁহার চিন্তে সেই পরিমাণে অকস্মাৎ উদ্গত হইবে।”

শ্রীমদভাগবতস্ত যত্র পরমং তাৎপর্যমুট্কৃষ্ণিতং

শ্রীবৈয়াসকিনা দুরম্মতয়া রাসপ্রসঙ্গেহপি যৎ ।

যদ্ রাধারতিকেলিনাগর-রাসাস্বাদৈক-সদভাজনং

তদ্বস্তু প্রথনায় গৌরবপুয়া লোকেহবতীর্ণো হরিঃ ॥ ১২২

“শ্রীমদভাগবতের তাৎপর্য—যাহা অল্পশীলনের দ্বারা অধিগম্য নয়, এবং ব্যাসতনয় শুকদেব রাসলীলাবর্ণনপ্রসঙ্গে যাহার উদ্দেশ্যমাত্র দিয়া গিয়াছেন, তাহা এবং শ্রীরাধার সহিত রতিকেলি-নাগর শ্রীকৃষ্ণের রাসাদিলীলারসের আশ্বাদনের একমাত্র উপায়স্বরূপ যে প্রেম, তাহা বিস্তার করিবার নিমিত্ত সেই শ্রীহরি গৌর-বিগ্রহে এই জগতে অবতীর্ণ হইয়াছেন।”

কেচিদাস্তমবাপুরুদ্ধবমুখাঃ শ্লাঘ্যং পরে লেভিরে

শ্রীদামাদিপদং ব্রজাষুজদৃশাং ভাবঞ্চ ভেজুঃ পরে ।

অগ্রে ধন্যতমা ধয়ন্তি সুধিয়ৌ রাধাপদাশ্চোরুহং

শ্রীচৈতন্যমহাপ্রভোঃ করুণয়া লোকস্ত কাঃ সম্পদঃ ॥ ১২৩

“শ্রীচৈতন্যমহাপ্রভুর করুণায় কাহার কি না সম্পদ লাভ হইয়াছে? (কৃষ্ণাবতারের) উদ্ধবাদি (গৌর অবতারে ব্রজভৃত্যদের) দাস্ত্যভাব প্রাপ্ত হইয়াছেন; কেহ কেহ শ্লাঘ্য শ্রীদামাদির সখ্যপদ লাভ করিয়াছেন; কেহ কেহ বা ব্রজগোপীদিগের ভাব প্রাপ্ত হইয়াছেন; অথবা যাহারা শ্রীরাধার পাদপদ্ম-মাধুরী আশ্বাদন করিতেছেন, তাঁহারা সুবুদ্ধি এবং ধন্যতম।”

শ্রীচৈতন্যচন্দ্রামৃতের এসমস্ত শ্লোকের মর্ম্ম হইতে স্পষ্টই বুঝা যায়, শ্রীরাধার আনুগত্যে ব্রজলীলার সেবাই গ্রন্থকারের অভিপ্রেত। এই সেবাপ্রাপ্তির এবং এই লীলারসের আশ্বাদনের যোগ্যতা-লাভের জন্ত তিনি শ্রীগৌরান্বয়ের শরণাপন্ন হইয়াছেন; কারণ, গৌরের কৃপাব্যতীত তাহা সহজ-লভ্য নয়। সুতরাং ব্রজলীলা তাঁহার সাধ্য—উপেয়। উদ্ধৃত শ্লোকগুলির যথাশ্রুত অর্থে মনে হইতে পারে, গৌর-ভজন বুঝি গ্রন্থকারের উপায়মাত্র, উপেয় নহে; কিন্তু শ্রীচৈতন্যচন্দ্রামৃতের নিম্নোদ্ধৃত শ্লোক হইতে বুঝা যায়, শ্রীচৈতন্য-চরণপদ্ম হইতে ক্ষরিত প্রেমানন্দময় অমৃতরসের প্রতিও গ্রন্থকারের দুর্দমনীয়া লালসা ছিল।

মাগন্তুঃ পরিপীয় যন্ত চরণাশ্চোজস্ববৎ-প্রোজ্জল-

প্রেমানন্দময়ামৃতাদ্ভূতরসান্ সর্কে সুপর্কেড়িতাঃ ।

ব্রহ্মাদীংশ্চ হসন্তি নাতিবহুমন্তু মহাবৈষ্ণবান্

ধিকুর্কন্তি চ ব্রহ্মযোগবিদুষন্তং গৌরচন্দ্রং তুমঃ ॥ ৬

“পরমবন্দ্য (গৌরভক্ত)-সকল যাহার চরণ-পদ্ম হইতে ক্ষরিত অত্যদ্ভূত উজ্জল-প্রেমানন্দময় রস পানে মত্ত হইয়া ব্রহ্মাদিকেও (শ্রীচৈতন্য-পদারবিন্দ-মকরন্দ-রসের অনুসন্ধান না করিয়া অল্প বস্তুতে আসক্তি প্রকাশ করিতেছেন বলিয়া) হান্তাস্পদ মনে করেন, (শ্রীচৈতন্যচরণে শরণাগত না হইয়া একনিষ্ঠভাবে ভগবদ্ভজন-প্রভাবে যাহারা) মহাবৈষ্ণব হইয়াছেন, তাঁহাদিগকেও (শ্রীচৈতন্যচরণ-পদ্মের মধু হইতে বঞ্চিত বলিয়া) বহু মনে করেন না, (শ্রীচৈতন্য-চরণপদ্ম-রস হইতে বঞ্চিত বলিয়া) (নির্কিংশেষ ব্রহ্ম-পরায়ণ) ব্রহ্মযোগবিদগণকেও ধিকার দেন, সেই শ্রীগৌরচন্দ্রকে

নমস্কার করি।” (বন্দনীর অন্তর্ভুক্ত অংশ শ্লোকের চীকার ভাবার্থ)। এরূপ আরও অনেক শ্লোক এই গ্রন্থে দৃষ্ট হয়।

এ সমস্ত হইতে বুঝা যায়, নবদ্বীপ-লীলা ও ব্রজলীলা উভয়ই প্রবোধানন্দ-সরস্বতীর সাধ্য বা উপেয় ছিল। একধামের লীলারসে তিনি তৃপ্তি লাভ করিতে পারেন নাই; উভয়ধামের লীলাই যখন তাঁহার সাধ্য ছিল, তখন উভয় ধামের ভজনও যে তিনি করিতেন, তাহা বলাই বাহুল্য।

( ৬ )

মুরারিগুপ্ত, বৃন্দাবনদাস-ঠাকুর এবং কবিকর্ণপুর প্রভৃতি গোড়বাগী চরিতকারগণ শ্রীমন্মহাপ্রভুর নবদ্বীপ-লীলাই বাহুল্যে বর্ণন করিয়াছেন। আর বৃন্দাবনবাগী গোস্বামিগণ তাঁহাদের স্তবাদিতে এবং কবিরাজগোস্বামী তাঁহার শ্রীশ্রীচৈতন্যচরিতামৃতে মহাপ্রভুর নীলাচল-লীলাই বাহুল্যে বর্ণন করিয়াছেন। ইহাতে যদি কেহ মনে করেন যে, গোড়দেশবাসিগণ প্রভুর কেবল নবদ্বীপ-লীলারই উপাসনা করিতেন এবং বৃন্দাবনবাগী গোস্বামিগণ কেবল নীলাচল-লীলারই উপাসনা করিতেন, তাহা হইলে সঙ্গত হইবে না।

মুরারিগুপ্ত ছিলেন প্রভুর নবদ্বীপ-লীলার সঙ্গী। নবদ্বীপ-লীলা তাঁহার প্রত্যক্ষ দৃষ্ট; তাই এই লীলাই তিনি বাহুল্যে বর্ণন করিয়াছেন; নীলাচল-লীলা বিশেষ বর্ণন করেন নাই। কবিকর্ণপুরের অবলম্বন ছিল মুখ্যতঃ মুরারিগুপ্তের গ্রন্থ; তাই তাঁহার গ্রন্থেও নবদ্বীপ-লীলা-বর্ণনেরই প্রাধান্য। বৃন্দাবনদাস-ঠাকুর সম্বন্ধেও প্রায় ঐ একই কথা। নবদ্বীপ-লীলা যাহারা প্রত্যক্ষ দর্শন করিয়াছেন, তাঁহাদের উক্তিই ছিল তাঁহার প্রধান-সম্বল। প্রভুর নীলাচল-লীলা বাহুল্যে বর্ণনের নির্ভরযোগ্য উপাদান কবিরাজগোস্বামী যেমন পাইয়াছিলেন, তেমন ভাবে পাওয়ার সুযোগ ইহাদের কাহারও হয় নাই। তাই ইহাদের গ্রন্থে নবদ্বীপ-লীলা-বর্ণনই প্রাধান্য লাভ করিয়াছে। ইহারা যে ইচ্ছা করিয়া নীলাচল-লীলা বাদ দিয়াছেন, তাহা নহে।

গোস্বামিগণ নীলাচলে প্রভুর যে সকল লীলা স্বচক্ষে দর্শন করিয়াছেন, তৎসমস্তই তাঁহাদের স্তবে উল্লেখ করিয়াছেন। নবদ্বীপ-লীলা তাঁহাদের সেইভাবে প্রত্যক্ষ করার সুযোগ হয় নাই। স্বরূপদামোদরের কড়া এবং দামগোস্বামীর স্তবাদি ও সাফাৎ-উক্তি অবলম্বন করিয়া কবিরাজগোস্বামী তাঁহার গ্রন্থে প্রভুর নীলাচল-লীলা বর্ণন করিয়াছেন। বিশেষতঃ তাঁহার প্রতি বৃন্দাবনবাগী বৈষ্ণবদের অমুরোধই ছিল প্রভুর শেষ-লীলা বর্ণনের জন্ত; প্রভুর আদিলীলা তাঁহার শ্রীচৈতন্যভাগবত হইতেই আশ্বাদন করিতেন। কবিরাজগোস্বামী নিজেও বলিয়া গিয়াছেন, বৃন্দাবনদাস-ঠাকুর যাহা বর্ণন করেন নাই, তাহাই তিনি বর্ণন করিবেন। এসমস্ত কারণেই, ইহাদের স্তবে এবং গ্রন্থে প্রভুর নীলাচল-লীলা-বর্ণনার বাহুল্য। ইচ্ছা করিয়া ইহারা প্রভুর নবদ্বীপ-লীলাকে বাদ দেন নাই। কবিরাজগোস্বামী নবদ্বীপ-লীলা যে একেবারেই বর্ণন করেন নাই, তাহাও নহে।

শ্রীকৃষ্ণের নন্দালয়-লীলা, গোবর্দ্ধন-লীলা, বৃন্দাবন-লীলা প্রভৃতি যেমন পরস্পর হইতে বিচ্ছিন্ন নহে; তদ্রূপ শ্রীমন্মহাপ্রভুর নবদ্বীপ-লীলা এবং নীলাচল-লীলাও পরস্পর হইতে বিচ্ছিন্ন নহে। দিয়াশিনী-বেশে, নাপিতানী-বেশে, যতিবেশে শ্রীকৃষ্ণ ব্রজে যে সমস্ত লীলা করিয়াছিলেন, সে সমস্ত লীলা যেমন ব্রজেন্দ্র-নন্দনের লীলা হইতে বিচ্ছিন্ন নহে, শ্রীগৌরাঙ্গের সন্ন্যাসী-বেশের লীলাও তদ্রূপ নবদ্বীপ-বিহারী শচীনন্দনের লীলা হইতে বিচ্ছিন্ন নহে। একই লীলা-প্রবাহের বিভিন্ন বৈচিত্রী। বিবিধ-বৈচিত্রীময় সমগ্র-লীলা-প্রবাহই গোড়ের এবং বৃন্দাবনের বৈষ্ণব-সমাজের উপাঙ্গ ছিল এবং তাঁহাদের পদাঙ্ক অনুসরণ করিয়া বৈষ্ণবগণ এখন পর্য্যন্তও সমগ্র-লীলারই উপাসনা করিয়া থাকেন।

সন্ন্যাস হইল প্রভুর একটা নৈমিত্তিক লীলা। এই নৈমিত্তিক লীলার উপলক্ষেই প্রভুর নীলাচলে বাস। তাঁহার রাধাভাবাবেশের দিব্যোদ্গাদ নীলাচলে অত্যধিকরূপে প্রকাশ পাইয়াছিল বটে; কিন্তু নবদ্বীপেও যে কিছু

প্রকাশ পাইয়াছিল, শ্রীচৈতন্যভাগবতের মধ্যখণ্ড পঞ্চবিংশ অধ্যায় হইতে তাহা জানা যায়। গোড়ীয়-ভক্তগণ মনে করেন, সন্ন্যাস গ্রহণ না করিয়া, নীলাচলে না গিয়া প্রভু যদি নবদ্বীপেই থাকিতেন, তাহা হইলেও নীলাচলের ছায়াই তাঁহার ভাবোন্মাদ প্রকটিত হইত; কারণ, ইহা প্রভুর স্বরূপগত ভাব, বেশ-পরিবর্তনে স্বরূপের পরিবর্তন হয় না। মকমল আচ্ছাদিতই হউক, রেশমী বস্ত্রে আচ্ছাদিতই হউক, কি সূতী বস্ত্রে আচ্ছাদিতই হউক, চিন্তামণি সকল অবস্থায় একই চিন্তামণিই থাকে।

ব্রজে এবং নবদ্বীপে উভয় ধামেই প্রকটে নৈমিত্তিক লীলা আছে। ভক্তগণ এই নৈমিত্তিক লীলারও আশ্বাদন করেন এবং সময়-বিশেষে শ্রবণও করেন; কিন্তু নিত্যলীলাই তাঁহাদের নিত্য উপাশ্রয়, নিত্য শ্রবণীয়। শ্রীগোরাঙ্গের নিত্যলীলাধাম হইল নবদ্বীপ। নবদ্বীপ-বিহারী শ্রীগোরাঙ্গের নিত্যলীলাই ভক্তদের শ্রবণীয়, নবদ্বীপ-বিহারীই তাঁহাদের ভজনীয়। যাহারা মধুর ভাবের উপাসক, নবদ্বীপ-বিহারীতেই তাঁহারা রাধা-ভাবের আবেশ-জনিত প্রভুর দিব্যোন্মাদাদির শ্রবণ ও আশ্বাদন করেন। সন্ন্যাসী গোরের ভজন প্রচলিত নাই।

